

76

(...)

Malaret, testamant

Au nom de dieu soit

sçaichent tous presans et advenir que
l'an mil six cens cinquante huict et le
septiesme jour du mois d **avril** apres
midy a **villemur** et **dans l()habitation de**
gabriel malpel tisseran au dioceze bas
montauban et senechaucée de th(ou)l(ous)e regnant
nostre tres chrestien prince louis quatorze
par la grace de dieu roy de france et
de navarre pardevant moy no(tai)re royal
soubssigne et presans les tesmoins bas

nommes, a este en personne **jeanne**
malaret fame dud(it) Gabriel malpel
laquelle estant **detenue de maladie** de
son corps couchée dans un lict a la sale
de lad(ite) maison mais par la grace de dieu
en son bon sans jugemant memoire et
cognoissance bien voyant oyant et parlant
comme a aparu a moy dict no(tai)re et tesmoins
a de son bon gre pure et franche volonte
non seduited ny subornée de personne comme
a dict faict et regle on testamant en
la forme suivante **premieremant**
c'est recomandé a la misericorde de dieu
et a declairé sa volonte estre qu()apres
son deces son corps soit ensevely au cimetiére
de ceux de la **religion refformée** de villemur
en la forme de lad(ite) religion refformée
de laquelle elle a touiours faict profession
a declairé lad(it) testatrix que par les
contratcts de mariage de **anthoinette et**
marie malpels ses filles et dudict
malpel avec anthoine bernad et jean
vaquié receus par moy d(it) no(tai)re il auroit
este constitué a sesd(ites) filles par led(it)
malpel et par elle conjointemant
sçavoir a lad(ite) anthoinette la somme
de deux cens quarante livres robes
et m(e)ubles contenus au contract de mariage
et a lad(ite) marie la somme de trois
cens livres robes et m(e)ubles aussy
expeciffies en leur contract de mariage
desquelles constitutions le paimant
a este faict par led(it) malpel du sien

propre, outre lesquelles constitu(tions)
 ladicte testatrix donne et legue a
 chacune de sesdictes deux filles la somme
 de trente livres payables apres le
 deces dud(it) gabriel malpel par les
 hoirs bas nommes et par cé que comme
 dict est led(it) gabriel malpel a faict
 paiement du sien propre de la portion
 et moitie de la testatrix desd(its) adots
 el(l)e veut que led(it) malpel son mary
 retire sur ses biens ce qu()il a paie
 pour el(l)e et qu'il jouisse pendant sa
 vie de tous et chacuns ses biens et droicts
 de la testatrix, et en tous et chacuns
 les autres biens noms droicts voix et
 actions de lad(ite) malaret testatrix
 icellé a nommes et institues pour ses
 hoirs universeaux et generaux
françois et jean malpel ses enfans
et dud(it) gabriel par egals portions
 entreux diviser lad(ite) heredité apres le
 deces dud(it) et en pouvoir
 fere et disposer a leurs plaisirs et
 volontes et ainsy lad(ite) malaret
 testatrix a dispose de ses biens par
 son presant testamant nuncupatif qu()elle
 veut que sorte a effect par droict de
 testamant codicille donation et par toute
 autre meilleure forme que de droict, cassant
 et annullant tous testamans et disp(ositi)ons
 precedantes, sy a pries les tesmoins
 d()atester ceste siene disposi(ti)on et a moy

notaire de luy en retenir acte ce que
 luy a este concedé es presances de
 berthelemy faure m(aîtr)e chirurgien jean
 auriol marchand jean tailhefer prat(ic)ien
 jacques bromet m(aîtr)e tailleur d'habits, louis
 janin hoste habitans dud(it) villemur signes
 michel roger selier, et jean combes chapelier
 habitans aussy de ceste vil(l)e quy ont dict et la
 testatrix ne sçavoir et moy no(tai)re requis

Faure Auriol Bromet

Janin Tailhefer, p(rése)nt

Esteverin
 not(aire)